



Broj: 0101-7217-6/20
Sarajevo, 03.09.2020. godine

Na osnovu člana 69. stav (1), tačka (a) i 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka javne nabavke usluge – usluge fiksne telefonije, na preporuku Komisije za javnu nabavku broj: 0101-7217-5/20 od 02.09.2020. godine, rektor Univerziteta u Sarajevu je d o n i o:

ODLUKU o izboru ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-7217-5/20 od 02.09.2020. godine i ugovor o javnoj nabavci usluge – USLUGE FIKSNE TELEFONIJE, dodjeljuje ponuđaču **BH TELECOM D.D. Sarajevo**, Franca Lehara 7, 71000 Sarajevo, čija ukupna cijena ponude iznosi: **18.802,64 KM** (slovima: osamnaest hiljada osamstotinadva KM i 64/100), što sa uračunatim PDV-om iznosi: **21.999,09 KM** (slovima: dvadesetjedna hiljadadeveststotina devedesetdevet KM 09/100)

Član 2.

Izabrani ponuđač je uz ponudu dostavio ovjerene kopije dokaza traženih tačkom 13.1. Poziva za dostavu ponude br. 0101-7217-3/20, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, te se u skladu sa odredbama tenderske dokumentacije oslobađa obaveze dostavljanja dokumenata traženih tačkom 13.1. Poziva za dostavu ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

O b r a z l o ž e n j e

Na osnovu Odluke o pokretanju postupka javne nabavke broj: 0101-7217-1/20 od 20.07.2020. godine, Univerzitet u Sarajevu je pokrenuo postupak javne nabavke usluge – USLUGE FIKSNE TELEFONIJE za potrebe Univerziteta u Sarajevu.

Za provođenje postupka predmetne javne nabavke, Odlukom broj: 0101-7217-2/20 od 20.07.2020. godine, imenovana je Komisija za javnu nabavku.

Obavještenje o nabavci broj: 999-1-2-90-3-78/20 objavljeno je na Portalu javnih nabavki dana 07. 08. 2020. godine i Službenom glasniku BiH br.50 od 14.08.2020.godine.

Iz izvještaja o preuzimanju tenderske dokumentacije od strane ponuđača, kreiranog sa Portala javnih nabavki da 02.09.2020. godine, vidljivo je da su u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli sljedeći potencijalni ponuđači: BBS EUROPE, PROINTER ITSS DOO, BH TELECOM D.D. SARAJEVO, EKAPIJA DOO, LOGOSOFT D.O.O., EUROPRONET BOSNIA D.O.O.

Iz izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 02.09.2020 godine u 10:38 sati, vidljivo je da u periodu koji je ostavljen za dostavljanje pitanja i dodavanje odgovora (do datuma 28.08.2020. godine), od strane potencijalnih ponuđača **postavljeno jedno pitanje** za pojašnjenje Tenderske dokumentacije broj: 0101-7217-3/20 od 07.08.2020. godine. Pitanje je glasilo:

„Zamolio bih da nam dodatno pojasnite na šta se odnose usluge navedene u stavkama Priloga II – Obrazac za cijenu ponude, stavke 16 i 17.

Ugovorni organ je dana 22.08.2020. u 13h:06 min je odgovorio na pitanje potencijalnog ponuđača BH Telecom d.d. Sarajevo, također putem Portala Javnih nabavki na način:

„Stavka 16. - usluge Posebne namjene koja omogućava korisnicima usluga UTIC-a uslugu besplatnog poziva. Navedena usluga posebne namjene uključuje i preusmjerenje besplatnog broja na broj Ugovornog organa. U konkretnom slučaju Univerzitet u Sarajevu, Univerzitetski tele-informatički centar (UTIC) KORISTI besplatan broj 080023345 i vrši preusmjerenje. Stavka 17. - U pitanju je dodatna usluga koja omogućava slanje SMS poruke na osnovu primljenog e-maila na adresu. Ova usluga se koristi kako bi se slale određene SMS notifikacije prema grupi mobilnih brojeva, a na osnovu primljenog e-maila na specifičnu e-mail adresu“

Na Tendersku dokumentaciju broj 0101-7217-3/20 od 07.08.2020. godine **nije bilo žalbi** od strane potencijalnih ponuđača.

Iz Zapisnika o otvaranju ponuda je vidljivo da je dana 02.09.2020. godine u 10:15 sati, Komisija za provođenje postupka nabavke, izvršila javno otvaranje blagovremeno prispjele ponude slijedećeg ponuđača:

Broj protokola	Naziv/ime ponuditelja (šifra)	Dan i sat primitka
0101-8259/20	BH Telecom Sarajevo d.d., Franca Lehara 7, 71000 Sarajevo,	02.09.2020. 08:35h

Na javnom otvaranju ponude nisu bili prisutni predstavnici ponuđača. Od strane prisutnih na javnom otvaranju ponuda nije bilo primjedbi na postupak otvaranja ponuda, što je konstatovano u Zapisniku o otvaranju ponuda. Zapisnik sa javnog otvaranja ponuda je isti dan (02.09.2020. godine) upućen putem pošte ponuđaču BH Telecom Sarajevo d.d., Franca Lehara 7, 71000 Sarajevo.

U Zapisniku o otvaranju ponuda je konstatovano da nije bilo neblagovremeno prispjelih ponuda. Komisija za javnu nabavku je u Zapisniku o otvaranju ponuda sačinila sažetak ponude primljene u roku (kriterij za dodjelu najniža cijena).

Broj protokola ugovornog tijela	Redni broj omotnice ponude	Naziv ponuđača	Omotnica sa ponudom ispravno zatvorena (zapečaćena ili potpisana da/ne)	Ukupna cijena ponude	Ponude ni popust
0101-8295/20	1	BH Telecom Sarajevo d.d., Franca Lehara 7, 71000 Sarajevo,	Da	18.802,64KM bez PDV-a 0% Popust PDV=3.196,45 KM 21.999,09 KM sa PDV-om	0,00 KM

Iz Zapisnika Komisije je vidljivo da Komisija za provođenje postupka nabavke nije imala nejasnoća u ponudi ponuđača, niti je bilo grešaka u dostavljenoj ponudi.

U Zapisniku o pregledu i ocjeni ponuda Komisija za provođenje postupka nabavke je ocijenila da se na ponudu ponuđača BH Telecom Sarajevo d.d., Franca Lehara 7, 71000, Sarajevo se primjenjuje preferencijalni tretman domaćeg. Ponuđač je dostavio potvrdu Vanjskotrgovinske komore BiH kojom dokazuje da zadovoljava uvjete za izdavanje certifikata od BH porijeklu. Iz Zapisnika Komisije za provođenje postupka nabavke je vidljivo da se Komisija sastala odmah nakon otvaranja ponuda 08.07.2020. godine u 11:00 sati i pristupila pregledu ponude, odnosno provjeri da li ponuđač ispunio uslove iz člana 45. do 50. Zakona o javnim nabavkama, koji su traženi Tenderskom dokumentacijom, odnosno da bi utvrdila da li je ponuđač dostavio tehnički

zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za nabavku predmetne robe.

Nakon pregleda ponude, Komisija za javnu nabavku je utvrdila da ponuđač ispunjava sve uslove za kvalifikaciju tražene Tenderskom dokumentacijom (detaljno konstatovano u Tački 9. Zapisnika o pregledu i ocjeni ponuda), pa je Komisija ponudu ponuđača: BH Telecom Sarajevo d.d., Franca Lehara 7, 71000 Sarajevo,, ocijenila kao PRIHVATLJIVU.

Iz Zapisnika o pregledu i ocjeni ponuda je vidljivo da Komisija za provođenje postupka nabavke, nakon provjere računске ispravnosti dostavljene ponude , utvrdila da je ponuda ponuđača BH Telecom Sarajevo d.d., Franca Lehara 7, 71000 Sarajevo, RAČUNSKI ISPRAVNA.

Iz Zapisnika o pregledu i ocjeni ponuda je vidljivo da je Komisija za javnu nabavku izvršila rangiranje prihvatljive ponude ponuđača na slijedeći način:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	BH Telecom Sarajevo d.d., Franca Lehara 7, 71000 Sarajevo,	0,00 KM	18.802,64KM bez PDV-a 0% Popust PDV=3.196,45 KM 21.999,09 KM sa PDV-om

Iz zapisnika Komisije za nabavku je vidljivo da je za predmetnu nabavku, kao što je navedeno u Tenderskoj dokumentaciji broj 0101-7217-3/20 od 07.08.2020. godine i Obavještenju o nabavci broj: 999-1-2-90-3-78/20 od 07.08.2020. godine, predviđeno provođenje e-aukcije kroz sistem e-nabavke. Članom 3. stav (3) Pravilnika o uslovima i načinu korištenja e-aukcije („Službeni glasnik BiH“ broj: 66/16), regulisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona o javnim nabavkama. S obzirom da je u predmetnom postupku javne nabavke usluge: USLUGE FIKSNE TELEFONIJE, zaprimljena jedna prihvatljiva ponuda ponuđača BH Telecom Sarajevo d.d., Franca Lehara 7, 71000 Sarajevo, Komisija za javnu nabavku je konstatovala da se u skladu sa članom 3. stav (3) Pravilnika o uslovima i načinu korištenja e-aukcije, e-aukcija ne može zakazati.

Na osnovu navedenog, Komisija za provođenje postupka javne nabavke je dala preporuku rektoru Univerziteta u Sarajevu da za nabavku usluge: USLUGE FIKSNE TELEFONIJE za potrebe Univerziteta u Sarajevu, donese odluku o izboru i dodjeli ugovor ponuđaču **BH Telecom Sarajevo d.d., 71000 Sarajevo**, čija ukupna cijena ponude iznosi: **18.802,64 KM** (slovima: osamnaestiljadaoamstotinadva KM i 64/100), što sa uračunatim PDV-om iznosi: **21.999,09 KM** (slovima:dvadesetjednahiljadadeveststotinadevedesetdevet KM 09/100)

Iz gore navedenih razloga, primjenom člana 69. stav (1) tačka a) Zakona o javnim nabavkama BiH, prihvaćena je preporuka Komisije za provođenje postupka javne nabavke i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj



Dostaviti:

1. **BH Telecom Sarajevo d.d. – Direkcija Sarajevo, Zmaja od Bosne 88, Sarajevo**
2. Služba za javne nabavke
3. Služba za finansije i računovodstvo
4. web stranica UNSA
5. a/a

Prilog: Zapisnik o pregledu i ocjeni ponuda